


什邡縣志



序

壬申秋余權什邑事樂其訟少俗淳較他邑易治以為此必有得於山川風氣者適更人以邑志至則邑令紀君手成書也當是時大吏增修蜀志檄下諸郡紛紛四方延師儒及鄉先生之能文者多無成成上之或往反駁詰動經歲月而是書不四月而畢無議之者蓋紀君豫章名士博洽多聞邑人士又喜以載筆光其里採訪勤考据確宜乎成之速且善如此什邑在郡北百里外地接荒徼高山大壑綿亘數千里長莽叢薄怪禽駭獸自古不通人跡邑士之考輿圖者裹糧以往越險乘危露宿閱月凡山川之支幹源流莫不得實以歸又舊志修自前邑令史君距今數十年其間嘉言懿行足以維持風教而湮沒於窮鄉委巷寂寞無傳者至是而發微闡幽無遺憾焉夫前事之不忘後事之師也讀斯志者按其山川觀其風氣知民生之所以遂與民俗之所由淳治譜於是乎在余任事僅七月舊章具備不勞而理後之君子關心民瘼將斯志是賴是則紀君之用心及邑人士之相與有成者不可不傳也乃因搢紳之請而為之序嘉慶十八年三月權邑令雲南石屏州朱奕簪撰



中國農民銀行總管理處
經濟研究所藏



什邡縣志

序

一

序

什邡之有志始於康熙二十二年胡令之鴻草創僅二十餘頁五十九年丁令士一得漢州一州三縣古總志鈔本採集增修梗概略具乾隆六年劉令紹復加修補均未及刊刻十二年史令進爵始裒輯成書凡十八卷今又六十餘年嘉慶辛未制府奏修四川通志定爲條目格式飭下諸郡邑一體編纂大奎承乏方亭因集邑人士之通曉故事著將舊志復加稽核依照格式分類編次並採訪六十餘年事迹及前此山川古蹟之所未詳者增錄之大奎公餘之暇爲之一一考訂期於完備四月閱兩而畢繕錄成帙上之制府庶以備通志採擇焉爾嘉慶十七年壬申夏五月什邡縣知縣紀大奎謹識

什邡縣志

序

原序

漢南三坡史君以名孝廉莅什邡政通人和境內寧謐公暇則修舉廢墜治津梁塞城闕創義學社學及尊經閣魁星閣凡昔所未備者次第設施什故望邑江山形勝甲於西川君來則景物日益清和桑麻被埜絃誦之聲相聞入境者未嘗不流連太息知邑之有賢侯也曩余令繁江壤地相錯思一往遊覘治蹟君亦數以書招爲職守所羈不能越境心悵悵之會余去官居成都君入省必來視坐定不復作寒暄輒問君近舉何事治何先君枚數以復津津有味余戲曰方亭百里君田舍在茲耶相與大笑而罷頃復郵示所輯縣志初邑令山陰胡君日照丁君三厚劉君先後纂修君莅什六載極意搜羅復增益若干卷至是將付梓以余昔修繁志嘗耗心力於斯也命一言爲序值余抱疴不能竟讀間撮大旨觀之見其義例謹嚴序次詳盡所須條教皆誠意藹然如入窮簷而治其家事乃益歎君之心存濟物爲什父老慶得賢侯而又自愧往者治緊之不如遠甚也今夫溺於富貴利達者以官爲家而矯之者曰仕宦如傳舍由前之說人皆知其陋由後之說則賢達所尙然而士直人民贅疣職事其害也至於上下解體而不可爲故吾謂士患不以官爲家以官爲家而心有不盡焉者寡矣今聖天子子惠元元勤求至理教養之訓屢飭有司令長秩雖卑固儼然稱民父母也爲一家之父母而膜視其家者人不以爲狂易必以爲不祥則爲民

什邡縣志

鄭序

父母而膜視其民者尙克膺司牧之任哉讀君是志以考所行則知余疇昔往復之詞雖戲言亦足以當治譜矣若余遲暮一官頽唐特甚迴憶臨民蒞政鹿鹿無足稱然遇力所可辦分所得爲者不敢不隄勉從事而自下車之始謀修邑乘歷五六載然後克成其勤苦畧與君同雖謹嚴詳盡較之什志遠謝不如要特才分使然其區區自盡之苦心未嘗不與君相視而莫逆也然則君之命以序言與余之承命而弗辭者母亦有在於是歟獨念余尙平夙願至老弗衰徒以什宦匆匆什那咫尺地竟不能命駕一往今既辭簪組號散人矣期以餘年躡屣涉章維陟鑿華望雍侯之故墟訪二程往來讀書之地退而與父老子弟謳吟下上以傳頌賢侯之所設施凡今日之見於圖經者庶幾一一驗之君行報最且夕待遷其尙爲余少留作東道主也乾隆十二年季春朔日石幢弟鄭方城拜題於錦江書院

原序

竊念令之爲職祿秩雖卑然爲守土之官親民之牧也有守土之責則凡所以敬典維禮興利除害夙寤夜興上爲朝廷裕養而敷教者當無弗至也居親民之任則凡所以釐奸剔弊慎刑明罰矢慎矢公下爲斯民養欲而給求者慮無弗周也然而措施之方無他奇能惟在因民情宜土俗而已若然則邑志之修所關不綦重哉爵自辛酉之冬躬膺簡命來令方享政事之暇訪求遺志得一草冊閱之寥寥簡陋未克成帙因思一邑雖微同沐皇仁之浩蕩均在光天化日之中其間山川土田何以昭帶礪之盟泉流堰道何以厚綏鋤之溉城郭人民未可以缺略者貽譏也錢糧學校不可以舛廢者滋咎也若夫忠孝節義之傳風俗人文之備尤足以深入人心挽回氣習不可以缺焉而弗備者也不禁慨然嘆息謂此書之缺懼不足以昭往而勸來信今而垂後也因惕然者久之及丁卯之春謀諸學校紳耆詳加採訪裒集成帙非謂因民情宜土俗是書果足以爲將來之資助亦謂今日之見聞若斯姑以登諸梨棗不敢遺失異日倘有博古通今椽管花毫之遇則覽斯稿也當爵雖不敏猶不敢忘守土親民之至意庶幾禱謀之功爵亦與有榮施矣是爲序時乾隆十有三年戊辰仲春月上浣文林郎知成都府什邡縣事關南史進爵謹撰

什邡縣志

史序

續增什邛縣志

目錄

卷一 星野	卷二 圖考	卷三 建置沿革	卷四 疆域
卷五 形勢	卷六 山川	卷七 戶口	卷八 田賦 水利
卷十 城池	卷十一 關隘	卷十二 津梁	卷十三 古蹟
卷十四 公署	卷十五 學校	卷十六 祀典	卷十七 祠廟
卷十八 風俗	卷十九 兵制	卷二十 屯田	卷廿一 邊防
卷廿二 驛傳	卷廿三 舖遞	卷廿四 土司	卷廿五 武功
卷廿六 屯練	卷廿七 寺觀	卷廿八 鹽法	卷廿九 茶法
卷三十 錢法	卷卅一 木政	卷卅二 權政	卷卅三 蠲政
卷卅四 職官	卷卅五 選舉	卷卅六 封蔭	卷卅七 政績
卷卅八 人物	卷卅九 烈女	卷四十 隱逸	卷四十一 流寓
卷四十二 仙釋	卷四十三 方技	卷四十四 古帝王	卷四十五 故宮
卷四十六 陵墓	卷四十七 僧緇	卷四十八之一 藝文	卷四十八之二 藝文

什邛縣志

目錄

卷四十八之三 藝文	卷四十八之四 藝文	卷四十九 典籍	卷五十 金石
卷五十一 物產	卷五十二 祥異	卷五十三 禮識	卷五十四 外紀

什邡縣志纂修姓氏

總修

成都府什邡縣知縣紀大奎(慎齋臨川人)

協修

什邡縣儒學教諭雷思恪(鷲州渠縣人) 署什邡縣儒學訓導陳鴻肅(達亨蓬溪人)

分修

舉人王道和(斯美)

舉人羅瑩璋(金函)

舉人廖全誥(文山)

廩生戴瑤(汝玉)

貢生劉繹同(菊田)

庠生高炳南(近光)

廩生楊炳川(繼修)

採訪

庠生孫元樞

庠生譚靜

庠生漆維棟

庠生劉百川

庠生徐紹玉

吏員王廷賢

庠生鍾靈

編次

什邡縣志

姓氏

貢生林時春

廩生袁信春

監生李大鵬

校對

廩生陳緒章

廩生余祚新

繕寫

廩生戴心正

增生廖禮璠

增生孫道淵

庠生周聯吉

庠生劉紹南

庠生甘懷泗

庠生陳德音

庠生戴心濤

童生曹政修

童生趙應開

庠生徐步青

童生余炳奎

布衣劉位賢(華陽人)

協理

千總權文璣

監生樊護

職員榮茂葵

監生鄧廷禮

職員戴青雲

繪圖

邑人羅登誥

釋人

邑人宋盛選(男朝貴)

什放縣志

姓氏

二

續補提綱（嘉慶甲戌總局扎取須知冊併作此附呈間有訂正原本處因補刻於目錄之後）

卷一星野志 查乾隆十二年知縣史進爵舊縣志所載星野雖誤照實本舊通志沿革史記

天官書漢書天文志皆屬參益州之說故仍存舊志原文而別附考訂一篇於後以備採擇

卷二圖考志 首分野次疆域水利河泉各堰等圖一一確核形勢其九聯坪禹母所居棲鳳

山夫子院二程夫子讀書處爲邑中最勝末附洛書八方合十一圖因前時未有此說特附

什邡考及九聯坪圖記於後以備參考其說並見第六卷山川志內之洛水附識第十三卷

古蹟志內之禹王廟附識

卷三建置沿革志 史令舊志頗詳今悉仍原本而添入文武各官增減於後

卷四疆域志 仍舊縣志

卷五形勢志 略增舊縣志

卷六山川志 於縣志舊本外增入金巖八卦頂二山其舊志記載未詳者特於章維二山及維

水諸流後各附識一跋並及洛書之說以備參考又盤江河舊通志縣志俱誤標新婦水非河本

名今改正新婦水別入古蹟

卷七戶口志 據賦役全書增輯並附各鄉保甲於後

什邡縣志

提綱

卷八田賦志 據賦役全書增輯又歲知縣養廉銀陸百兩典史養廉銀捌拾兩現係由 司庫

動支給領前志稿內遺漏載今未附識於此

卷九水利志 按縣境雖都江堰所不及而境內河堰泉堰分派溝渠最多每歲民間爭訟不息

渠并時有鄰封漢綿二處截挖之患今逐一確勘分晰源流比舊縣志特詳而史令原本修渠灌

溉諸法仍備錄於後

卷十城池志 仍舊志本略附修補歲月於後

卷十一關隘志 邑地非孔道故舊志無關隘間於別卷中分見數條今遵照格式彙爲一卷並

將各場市路通鄰境及交界處所一一增入

卷十二津梁志 因舊志復加增輯共七十餘處以金帶玉馬迴瀾鄧通大石連雲六橋爲勝

卷十三古蹟志 以禹廟遺址雒縣廢址馬脚井杜臨觀遺址濯纓泉夫子院慧劍井新婦水等

處爲最著舊志禹王廟一段附載禹母祠事蹟因通志載禹生石紐村在石泉縣故約略其辭以

爲未敢質議今特取石泉縣舊志所載考其大略可疑者附識於後以備參考其說並見第二卷

圖考志內之什邡考九聯坪圖記第六卷山川志內之雒水附識又隋文帝子蜀王廟遺址舊志

失載今據南陽寺宋任愿碑記補入又盤江河內之新婦水舊通志縣志俱誤入山川志內失河

本名今考正以新婦水歸古蹟以盤江河補入山川

卷十四公署志 舊志附建甯門今遵格式查明修建各年歲另輯爲一卷附常社各倉及營房軍器局養濟院等於後

卷十五學校志 略因舊志重加增輯並附書院及社學於後

卷十六祀典志 略因舊志復加增輯

卷十七祠廟志 舊志附祀典內今遵格式訂正原本淆誤缺略之處另輯爲一卷

卷十八風俗志 大略與郡屬同故悉仍舊志附以鄉飲酒禮並錄邪教天主教誘民各術於後

卷十九兵制志 略因舊志修輯

卷二十屯田志 卷二十一邊防志 卷二十二驛傳志 以上三門縣歷無其制今依格式編

次仍存此三卷門類而於卷內聲敘什邑歷無其制以備

總局編次門類易於查考

卷二十三舖遞志 略因舊志并考賦役全書增輯

卷二十四土司志 卷二十五武功志 卷二十六屯練志 邑無土司亦無武功可紀及屯練

之制今於三卷內略爲聲敘以備

什邡縣志

提綱

二

總局接順查考

卷二十七寺觀志 共八十九處其最著者六一羅漢寺唐馬祖道場一慧劍寺唐波崙禪師建一南陽寺湧泉成河灌什漢田無數一二泉寺元大定間建一龍居寺唐李真人建一雪門寺即夫子院已見古蹟

卷二十八鹽法志 卷二十九茶法志 以上三法舊志並附賦稅門今遵格式重加增輯各另爲一卷

卷三十錢法志 卷三十一木政志 卷三十二椎政志 以上三門歷無設有廠局今於二卷內分晰聲敘以備總局查考

卷三十三蠲政志 舊志未載今自康熙二十五年起至嘉慶七年歷次欽奉恩旨蠲免酌免因錢糧及因辦運夫米捐輸津貼銀兩欽奉恩旨蠲免錢糧分數一一恭錄於卷其當日有無士民志切公捐具早不願邀免者今無案可考

卷三十四職官志 舊志知縣自明以前惟漢宋二代略存數人餘俱無考教諭以下自明以前俱不可考今因舊志所載增入乾隆十二年以後正署各官於卷

卷三十五選舉志 舊志無薦辟其進士自宋以前無考舉人以下自明以前無考今增錄乾隆

十二年以後各姓名於卷

卷三十六封廕志 略因舊志復加增輯

卷三十七政績志 自漢以來舊志名宦所載悉存之增入乾隆六年以後輿論孚協彰彰著聞者史進爵以下五人又康熙九年什那尹李若璋舊志載入墳墓今移於此凡前後共二十三人以備採擇

卷三十八人物志 合舊志所載并續入唐綏以下共四十三人以備採擇因沿舊志時代次序編錄品目未分極為疎忽今各依品目分列於左便於查考又舊志附鄉官四十五人今仍存之

一宦業

漢楊 宣(入鄉賢) 郭 賀 唐雍無逸 明曹 山(入鄉賢) 劉克學(入鄉賢)

本朝唐 綏

一儒林

漢翟 醮(入鄉賢) 段 恭

一文苑

漢李尤(入鄉賢) 本朝李 霖 李泰秀 黃世仰

什那縣志

網提

三

一處士

漢折 象(入鄉賢) 賈 翊 宋李 發(內鄉賢) 本朝趙居仁(入鄉賢)

李 樞 劉迪旭 吳相富 陳功朝 甯祝先 張宗法

李淑東 張有道 黃世祿 張振鵬 陳文武

一忠義

元馮文舉(入忠義祠) 明雷應奇(入忠義祠) 本朝李國祥(入忠義祠)

楊兆熊(入忠義祠) 余文泰(入忠義祠) 張 超(入忠義祠)

一孝友

宋王禹城(入孝義祠) 陳如松(入孝義祠) 明胡 定(入孝義祠) 本朝吳德明

黃子尙 劉亭運 黃宗璣 冷中榮 陳宗泗 羅登誥

以上漢郭賀段恭賈翊三人舊志無據華陽國志補入翟醮李尤二人據後漢書本傳皆云廣漢雒縣人而舊通志改爲新都人殊誤志內未及辨訂因附識於此

卷三十九列女志 有節烈節孝節婦孝婦貞女合舊志所載及新採訪共九十人以備採擇

卷四十隱逸志 舊志附人物僅二人今補入華陽國志一人又新增一人以備採擇

卷四十一流寓志 舊志四人二程夫子最著新增無

卷四十二仙釋志 存舊志九人以備採擇其馬大師卽馬祖也又補入馬祖錄中了恩一人

卷四十三方技志 存舊志藝術三人以備採擇郭玉入鄉賢祠舊志傳文多譌誤今據後漢書

方術本傳訂正

卷四十四古帝王志 卷四十五故宮志 邑無古帝王都會及宮殿等事以漢封什邡侯雍齒

傳國四世附識卷內又隋帝子蜀王曾因獵至什不知封地是否在此舊通志縣志俱未載僅南

陽寺宋任愿重修蜀王廟碑記尙存文多缺略未便增入今補藝文志內備考

卷四十六陵墓志 因舊志墳墓義冢略加增輯

卷四十七僭竊志 邑古無竊據事惟晉時李雄據成都相距不遠附識卷內

卷四十八藝文志 藝文比他卷較多分爲卷四十八之一之二之三之四前卷恭錄宸翰後三

卷錄歷代詩文以備採擇

卷四十九典籍志 縣著述可紀者惟後周蜀郡公衛元嵩易元包經與揚雄太元經並稱舊通

志縣皆失載今特爲標出并撮敘大旨以表之傳敘三篇并跋錄藝文志此外附錄二十餘種以

備採擇

什邡縣志

提綱

四

卷五十金石志 舊縣志所載古淳于古編鍾及熙寧淳熙二碑俱無存宋紹興中任愿修蜀王廟碑舊志失載字多殘缺此外 至聖銅鐵像四尊及古佛神像各尊並列于卷

卷五十一物產志 大約與郡屬州縣同今備錄於卷

卷五十二祥異志 略採舊志數事并補華陽國志一事及五世同堂者一人錄於卷又譚興湖夫婦九十五世一堂誤寫於外紀之未應移入此卷并附識之

卷五十三雜識志 錄唐王象之蜀水考見衆水源流並採舊志土著姓氏及耕作種植牧養諸法附以八景四景等著於卷

卷五十四外紀志 錄李雨村蜀碑記補一事並採舊志紀異數事又續採一事附於卷卷末誤入譚興湖五世同堂一事應移祥異志

什邡縣志卷一

星野志



史記秦地於天官東井與鬼之分野也南至巴蜀廣漢晉書天文志自華十二度至東井十五度爲實沈於辰在申魏分屬益州通志成都屬井鬼之分入參一度今什邡西北距成都（西北準天度言）一百二十里當觜參之次於辰在申（以中州論）廣漢土地譜云高帝置廣漢郡（今成都）領十縣上應十支通夷在戌陽泉在亥南安在子涪流在丑梓潼在寅五城在卯新都在辰資中在巳犍爲在午什邡在酉考天文度數觜五分參十一度什邡在酉（以廣漢論）分野當在觜參之間宮度占觜第五分末分之末一杪弱及參一度初一分之第一杪強（舊志）

謹按什邡隸成都接壤漢彭天文井宿分野縣舊志以什邡距成都一百二十里分野當第五分之末參一度之初蓋沿四川舊通志誤引史記漢書觜參益州之文以爲成都府屬井鬼之分入參一度不知成都地在坤維約值參井之間而天文分野則當井宿之分揚雄所謂野沃千里上稽乾度則井絡儲精下按地紀則坤宮奠位後人或以地維與星野混而紀之者誤也史記天官書首敘三垣二十八宿星象占驗次及五緯日月七政交互占驗次及妖祥諸星占驗次及雲風占驗終之太史公論贊略及分野之說文義井井通志所引本

什邡縣志

卷一 星野

天官七政一段中間參入角亢氐兗州房心豫州尾箕幽州斗江湖牽牛婺女揚州虛危青州營室東壁井州奎婁胃徐州昴畢冀州觜參益州東井與鬼雍州柳七星張三河翼軫荊州數語於前後日月五星文義敘次既相隔絕又與總論內分野之占不盡合其爲後人竄入顯然無疑漢書天文志攬拾天官於列宿及五緯之後沿襲竄簡十二州并以日月甲乙諸期與總論分野之說雜爲一段足見其疎至其地理志輯論所著謂秦地於天官東井與鬼之分野其界自宏農故關以西京兆扶風馮翊北地上郡西河安定天水隴西南有巴蜀廣漢犍爲武都西有金城武威張掖酒泉敦煌又西南有牂柯越嶲益州皆宜屬焉自井十度至柳三度謂之鶉首之次秦之分也魏地觜參參之分野其界自高陵以東盡河東河內南有陳留及汝南之召陵灑疆新汲西華長平潁川之舞陽郟許僑陵河南之開封中牟陽武酸棗卷皆魏分也徙都大梁故魏一號爲梁然則觜參參晉魏分非益州明矣蓋班固於地理志特爲精詳而疎於天文僅割裂史記參錯成篇故不免沿其竄入之文彼此抵牾而後世分野之說亦往往因之又或漢改梁州爲益州而魏晉亦號爲梁註史記者因遂以魏晉之梁屬益州繫以分星竄入天官此其所由誤與今考明史天文志畢七度至井八度實沈之次屬山西井九度至柳三度鶉首之次屬陝西四川雲南此足以訂史漢及舊通志

之誤矣嘉慶壬申春二月知縣紀大奎謹識

什邡縣志

卷一 星野

二

星野分野圖


什邡縣志

卷二

圖考

一

井宿分野圖



星經步天歌

井八星橫列河中靜一星名鉞井邊安兩河各三南
 北正天罇三星井上頭罇上橫列五諸侯侯上北
 河西積水欲覓積薪東畔是鉞下四星名水府水
 位東邊四星序四瀆橫列南河裏南河下頭是軍
 市軍市團圓十三星今六中心一箇野雞精孫子
 丈人市下列各立兩星從東說關邱二箇南河東
 邱下一狼光蓬茸左畔九箇彎弧弓一矢擬射頑
 狼胸有箇老人南極中春秋出入壽無窮

什邡縣志

卷二

圖考

二

疆域地輿圖

